

KAREL'S LEGAL BLOG TA EKSISTÍ 5 AÑA

WILLEMSTAD.- Dia 1 di yùni 2010 Karel's Legal Blog (www.curacaolaw.com) ta eksistí 5 aña. E weblog hurídiko aki ta un inisiativa di Karel Frielink, abogado i sosio di Spigthoff Advocaten & Belastingadviseurs na Kòrsou. Karel ta e promé abogado di Antia Neerlandes i Aruba ku un weblog hurídiko.

Karel Frielink: 'Na ougùstùs di 2004 m'a bira miembro di e redanan sosial LinkedIn i Ecademy, i na òktober di 2004 miembro di Xing. Ei m'a bin konosé e fenómeno weblog. Ora m'a ripará ku un weblog lo por ta un instrumento efikas pa marketing i pa estrechá vínkulo ku kliente, m'a kuminsá ku mi mes weblog. Semanalmente, sentenáres

di hende ta bishitá mi wèpsait'.

E wèpsait ta trata lei di Antia Neerlandes i Aruba. Especialmente lei komersial, finansiero i 'procesrecht'. Mayoria di e tekstonan ta na ingles ku eksepshon di e krónika 'Mijn opinie' (Mi opinion) ku ta na hulandes. Den e

krónika aki frekuentemente Karel ta skirbi tokante asuntunan polítiko di aktualidat di un forma skèrpi.

Ya a konta mas ku 350 mil 'pageviews' (esaki ta e kantidat di biaha ku nan a wak e páginanan di e wèpsait). Mayoria di e bishitantenan di e weblog ta

di Merka. Na di dos lugá ta bin Antia Neerlandes sigui pa Hulanda, Gran Bretaña i Canada. 'Un weblog ta un medio ekselente pa tene klientenan eksistente pero tambe pa atraé kliente nobo. Sí t'asina ku bo mester ta dispuesto na invertí hopi tempu i energia den dje', di akuerdo ku Karel.